

vnd Novan gethan/ da er seine Läger auffgebrochen/ vnd dem Hispanischen Läger so beyde Stätte securiren wolte/ entgegen gezogen/ vnd eine Schlacht angeboten. Bisweilen nimbt man des Volcks nur ein Theyl/ daß die Trencheen vnd Schancken guugsamb versehen bleiben/ vnd zeuhet dem ankömenden Securs entgegen: Wie Marggraff Spinola bey Ostende thete/ da Prinz Mauritius sich nach der Schleuß begabe: Dann er ließ ein gut theyl Volcks in den Trencheen/ vnd rücket mit dem vbrigen nach Blanckenberg/ da gemelter Prinz Mauris hindurch mußte/ vnd verschancket sich allda mit gewisser Resolution ihn anzugreifen/ wann er hinzu kommen were.



Das XIV. Cap.

Von der Franckösi-  
schen Artilleria.

I.

Vom Guß/ Zusatz vnd Maß  
der Stück.

**D**ie Giessung der Stück/ setzet man auff hundert Pfund fein Kupffer zwanzig Pfund Metall/ vnd im mangel desselbigen zehē Pfund weich oder gelind Zinn. Durch das Metall aber wird nichts anders als Glockenspau verstanden.

Etliche